

石  
泐  
詩  
鈔



石汭詩鈔卷第二十一

寧遠楊澤闔

景山集中 戊戌

是集向名西山茲復合景山為中卷太行居域中  
西北磅礴千有餘里在京城西者曰西山重巖疊  
壑奇勝稱最晉唐以來多古剎勝朝迄今代有修  
葺為近郊遊幸地今

上宵肝精勤不皇自逸士大夫公餘務閒因得遊歷其

中然道險境深輿騎或不能至余馬上看山於茲

石汭詩鈔

卷二十一

一

三載屢欲挈伴一登非人事糾牽即雨風敗興今  
秋晴爽始約魏將侯同年裹糧深入布韞青鞵往  
還十餘日倡和至五十餘首足為生平一快詩錄  
如左

將遊西山魏將侯承規有志同行賦此代柬

煙霞泉石豈緣慳涉遠先愁步履躡九陌紅塵高十丈

無閒來看眼中山

爽氣朝朝拄笏收秋來準作萬山遊何期世外清涼夢

得箇仙人共枕頭



蚤出阜城門馬上作

山色迎人蚤出城朝暎射處白雲生不知門徑從何入  
且向林篁盡處行谷口聽禽風細碎渡前立馬水縱橫  
回看紫陌垂楊外一道紅塵上玉京

魏邨

一曲清谿水潺湲入魏邨地閒林木靜剎古石碑存瘞  
馬嘶秋艸歸雅識廟門夕陽帘影碧一爲倒芳尊

蘆溝

歧路各悠悠風煙入莫愁水聲千古月蘆影四時秋南  
望鄉關遠西來翠靄浮欲歸歸未得客裏復閒遊

由師子巖至石佛口

客久別巖阿見山喜欲笑雙厓引我入風籟激羣竅峰  
巒面面開門徑殊危隋雲煙懷裏生時有幽猿嘯忽逢  
師子林蹲伏形畢肖如牟散岡陂如虎騰狂趨諦視若  
假山嶠嶙挂藤蔦暝色上眉尖涉邃欲秉燭不知歷數  
重所在窮奇妙巖盡寒潭清須髮綠可照又疑別有天  
舉目無遺眺山識石佛名一綫梯雲嶠健步足未疲回  
視頭屢掉塞上千萬峰南北渾錯料入山第一程覽勝

先提要

途中即景四首

漸親山色遠城闌任是風多不惹塵祇有蘆花蕭瑟甚

西風愁殺客中人

古槐陰下一橋危愛聽泉聲坐少時笑語忽來紅粉隊

憐他弱小上山遲

野棗丹黃滿樹垂露桃霜栗更索索長鏡短鋪隨身在

不采參苓問藥師

無數茶棚傍小谿每邀遊客駐輪蹄山中一枕清涼夢

石泐詩鈔 卷二十一 三

睡起才聞午後雞

戒臺寺

穿竹聞僧語鳴鐘報客來何年開淨域此地築高臺佛

界蓮華見齋心粥鼓催臥龍松健在訪古一裴裛

活動松

古榦牽枝動千盤翠欲浮本來巖谷性越老越風流

臥龍松

龍性資霖雨松身任棟材漫愁無用處高臥待時來

觀音洞

入門接青蒼樓閣矗天表山勢似兜羅金碧相繚繞登  
峰忽造極下界渺乎小振衣白雲顛縱步青松杪自疑  
天半來孤雀同清矯客居歲一周塵市殊擾擾朝朝見  
西山結想緣未了登攀竟不難蹻脚健逾好挂漏虞獻  
譏絕壑窮搜討如來洞幾重迤邐盤蛇道石齒森鋒芒  
木顛鬱合抱枯僧入定閒落葉無人掃索索山果熟啖  
比長生棗卽此是仙居安問蓬萊島

贈慶公

說法原無法非禪卽是禪臘方過五十律已戒三千行

石澗詩鈔

卷二十一

四

樂將休矣拈花一粲然好依猿雀伴舌底看生蓮

夜聞梵音

十萬松濤助梵音山中眞起臥龍吟晚風欲靜月初上  
禪院無人秋艸深

極樂峰二首

南天門對北天門絕頂巍然一柱尊莫道佛天無樂境  
眼前回顧盡兒孫

不數洪厓與赤松到頭一二躡仙蹤欲尋初祖煉丹處

洞口白雲深幾重

下有極樂洞

十年不下山，宋居乏儔侶。已絕言笑緣，時共煙霞語。或有馴鹿過，呦呦相爾汝。山深氣候和，四序無寒暑。衣此百衲衣，補綴雜繩苧。須眉皓且長，炯炯目如炬。不食亦不飢，煙火歲難舉。樵蘇或訪尋，遺問懷蒸糝。不然寒泉側，白石亦堪煮。平生見此稀，幽靜憐獨處。棗熟葡萄鮮，款客傾筐筥。如攜桑苧翁，共飢梨栗墅。感此意殷勤，佳約勝雞黍。飄然神與遊，清對銷塵緒。抽身儻重來，師其不吾拒。

石汭詩鈔

卷二十一

五

宿僧寮

禪味清如水，無言坐半宵。遠雲長淦淦，落木漸蕭蕭。地險千盤到天寒，一醉銷故鄉。山可買，結伴欲歸樵。

度渾河

芒屨破曉煙，山色娛清旦。磴縣千尺危，崕岬忽中斷。漫漫渾河流，天遠疑無岸。招招舟子須，一櫂江邨畔。刺篙水淺深，鳧雁驚飛散。忘機吾未能，中流發長歎。

百花山歌

好山往往得花名，牡丹幽豔夫容清。爲芝爲桂爲蘭菊。

蓮華桃葉紛崢嶸百花之山乃不可名狀萼柎枝榦交  
縱橫上有琪林瑤艸千歲之仙藥下有縈竹絡石百道  
之泉聲雲煙繚繞花簇簇花爭向夕陽明又若羣花  
亂墜天女手狂風一掃飄瑤英瑤英墮地根蒂結含苞  
吐藥一歲一萼榮巨靈折鬻女媧笑盤根移向西北傾  
羊腸詰屈蝘徑仄欲遊香國難爲行眼中花色競明媚  
昨者宜雨今宜晴願得身爲栩栩蝶飛上百花頂上一  
恣幽尋

平原郵

石涉詩鈔

卷二十一

六

恍入桃源境郵居靜不喧千山環古刹一水抱平原麥  
壟晨驅犢楓林夜聽猿野人同笑語吾意樂田園

岫雲寺

古名潭柘寺

岫雲寺古名潭柘潭柘聲名徧都下勅始幽燕百載前  
歷朝屢幸君王駕聖皇鑒古黜虛浮費而今盡裁罷  
宵旰勤政絕巡遊非關國事無閒暇此寺曾經宸翰頒  
徒供遊客銷長夏山色谿聲自古今雲階月地長朝夜  
東山儻許謝安居鏡湖擬向君王借松風謾謾泉籟清  
攜尊未厭句畱乍待我雲遊八極還曾次知添幾秦華

銀杏

蕭蕭檀栢樹餘蔭已無存此亦千年物戛然森廟門晚  
風寒翠葉宿雨漲青痕且喜逢秋日煨依鑪火溫

望塞上諸峰

疊巘層巒塞外州平煙漠漠薊門秋腳根已踏千峰上  
眼界真能六合周山欲斷青雲更續樹初搖碧雨全收  
時清久覺邊塵靜絕徼無妨汗漫遊

幽篁

此境人稀到幽篁曲曲尋牽衣藤格磔夾樹石陰森馱

石汭詩鈔

卷二十一

七

水驢過澗肥山虎出林

上山籃輿土人呼爲肥山虎

遙看高閣上倒

景日初沈

四方臺

古木蕭森裏深潭百尺澄晚風閒溜馬落日健呼鷹寺  
近攀躋緩山空聲欬磨恍疑人世隔福地關金繩

宿翠微山大悲寺和魏將侯韻

陟磴鳥爭路穿林雲滿衣言從戒臺北取道門頭

地名歸

平坡忽迂折有峰名翠微厓壁峻以削攀陟猶易幾招  
提款重戶犬吠遊人稀山僧喜見客畱話情依依咄嗟

具餽餌芹香苜蓿肥茶寮掃塵榻軒宇凌崔嵬東南何  
莽蒼萬象羅郊畿渾河白似練關樹綠成梯遂登臥遊  
閣一闕龍泉池上方與天太二詰且行攀躋所乏驚人  
句何以畀元暉

宿寶珠洞雨後見月

高處看山愛遠晴遠晴常帶白雲生好天欲洗詩人眼  
客枕先聞夜雨聲樹杪重泉爭絡繹牕前列嶂已崢嶸  
前軒明月中宵到倚檻沈吟夢不成

海棠溝二絕

石坊詩鈔

卷二十一

八

月榭風亭位置工  
胷中丘壑自玲瓏  
爲嫌山少瓏瑋韻  
疊石疏泉曲曲通

海棠花盡客初來  
洞口雲封但艸萊  
閒買山醪成小醉  
坐看落日上平臺

夜登臥遊閣

不辭幽險更躋攀  
遊跡念念興自閒  
夜氣千重迷大野  
秋聲一半落深山  
流泉激石疑飛雨  
斜月窺林欲到關  
幸有高僧能好客  
題詩先爲掃苔斑

香界寺

來從初地神先爽歷盡諸天興倍長漫道不塵還不淨  
本來無色亦無香中年人怕逃禪易隨筆詩因紀勝忙  
銀杏花殘丹棗熟世閒幾度閱滄桑

龍泉

繞磴尋山寺有泉鳴湫湫聞聲不見處其境僻且幽古  
木鬱蒼翠中有龍王宮石池匯眾派外闢乃中空一綫  
通清冷環階歎珠玉漣漣檻外流風韻夏修竹行穿白  
雲徑小憩紅葉莊白雲紅葉山莊在龍泉右仿佛蘭亭勝水曲堪流

觴夕陽忽在山策杖覓歸路老僧邀品泉更逐泉聲去

石訪詩鈔

卷二十一

九

三山盦

度澗招提近當門略約橫叢篁疏月色亂石助泉聲人  
語秋蟲雜僧歸野雀迎塵緣吾未了先喜識山名

何家寺

磬聲清曉出禪關古屋參差萬木環臥檻秋花紅繚亂  
過廚泉水碧淙潺坐同老衲談甚久去值雛僧拾栗還  
行腳本來無長物風襟雲屨劇清閒

靈光寺

破曉過山寺炊煙接近邨齋閒來鳥雀果熟散雞豚路

曲雙扉宋坡平一堦尊隋唐多古刹幾處石碑存

### 長安寺

入勝尋初地遊人好駐車風泉疑嘯虎石道似盤蛇竹  
隔清煙暮苔牆醉墨斜更登層閣上反景逐歸雅

### 秘魔厓

盧師昔渡江一葉任所至忽來此山中覓得袈裟地誅  
菴結精廬漏廚麤位置何物大小青肆虐等游戲佛法  
例戒殺中寓慈悲意禁錮空厓中孽海茫茫墜我來刹  
蘚苔上有秘魔字壘石塞洞門一龕窅然閉童僧備掃  
石坊詩鈔 卷二十一 十

### 下山

卻墮詩魔計  
選勝歸來倍有情曲隨泉水下山行急流先我下山去  
續聽來泉瀾瀾聲

### 上天太山

暗泉曲曲繞巖阿閒逐泉聲掃薜蘿石气著衣寒欲滴  
亭陰題句墨新磨有時風月開青嶂無數雲煙點碧臺  
漫道名山僧占盡遊人還占好山多

慈善寺

寺在深山處入門還幾重風聲環澗竹雲氣接巖松簾  
宗佛煙靄水新茶味濃尋幽花下坐花外有清鐘

觀魔王跏趺石

髻漆莊嚴骨相存舊袈裟地長苔痕三生石上雙趺印  
畱作人閒淨善根

退翁亭小酌

流泉一派走清冷俯闕羣山萬疊青爲有濁醪拚一醉

退翁亭是醉翁亭

石坊詩鈔

卷二十一

七

退谷

明吏部侍郎孫北海乞休  
退居於此北海名承澤

任事宜勇爲居心貴恬退能作退步思豈至中途廢退  
翁前代人蚤佩金魚袋末造際躡屯斂迹思自晦結廬  
松石閒邃境除榛穢閒偕麋鹿遊靜與雲山對俯仰綽  
有餘瓦全勝玉碎嗟嗟塵世勞憂樂恆相代功名原外  
物官爵殊難耐願爲清淨身毋效齷齪態引退行有期  
躬耕治鋤耒

老虎洞尋水源

虎尾昂然虎頭低蹲伏蒙茸如飲谿谿流卻從虎口出

欲斷不斷聲漸漸腹中知貯幾萬斛潺湲一勺分東西  
山深厓峻少人跡羊腸狹道同攀躋兩旁列石更狡獪  
或若馴象若蹲猊咆哮怒氣震林谷遊人膽怯含愁悽  
自知沒羽乏長技不須探穴窮幽篁渴來欲奪虎口飲  
滿腹笑比河干饑

由煙霞窟尋宏敎寺五華寺隆敎寺諸遺址

昨過風雨門

在天  
太山

今入煙霞窟歸鳥欲投林山深未見

月惟聞泉水聲汨汨梳苔髮繞道出平陂壞牆荒艸沒  
老蔭猶婆娑下有隋文碣皇皇古刹宇上比金銀闕

石訪詩鈔

卷二十一

七

置歷唐明惑媚由闍謁飾言祈禱誠陰助帑藏竭護法  
仰綸音聞誰諫佛骨嗟嗟有用財濫擲何荒悖若輩炙  
手熱輿勃亡亦忽琳宮一炬灰徒贖豐碑兀仰俯發浩  
歎隔林磬聲越

卽目

五色祥光奉日華望雲遙識帝王家峨峨宮闕森天半  
綠樹陰中輦道斜

面面青山枕翠湖樓臺金碧影模餽洞天仙府曾經見  
才信蓬萊是子虛

朝朝醉墨灑吟箋  
方外逢迎有夙緣  
卻恐名山難再到  
已登臨處更流連

石泐詩鈔

卷二十一

三

石泐詩鈔卷第二十一終

石汭詩鈔卷第二十二

寧遠楊澤闡

景山集下

戊戌

臥佛

諸天一夢隔紅塵  
金氣輝煌六尺身  
笑我欲眠眠未得  
非仙非佛一閒人

秋雪盦

枯荷蕭颯柳初黃  
閒客招攜過艸堂  
淺水寒蘆秋萬里  
最娛人處是荒涼

石汭詩鈔

卷二十二

一

食蟹四絕句

橙香稻熟客中秋  
此味難同肉食謀  
符竹他年應有分  
預愁無蟹作監州

江上人能志蟹無  
寫生先擬晉公圖  
因他得饜彭葦味  
爾雅何曾誤蔡謨

客味曾無異故鄉  
喜饒鄉味客中嘗  
奇珍信有專車蟹  
徑欲棗查泛海陽

沙閒郭索聞聲細  
霜後輪囷八饌肥  
八九月中秋正好  
海邊一櫂釣人歸

蒸蟹

郭索聲中漑釜忙橫行到此忽蠶僵銀濤漸鼓雙螯雪  
紅甲新添一背霜漫比莼羹下鹽豉好同鱸膾致椒薑  
茶餘試揭風鑪看沸鼎真成蟹眼湯

糟蟹

臘糟紅粉帶微生到手猶驚巨擘橫入甕不妨千日醉  
登梓忽訝一丘成蹒跚久困爬沙力舖啜聊償枕麴情  
煞憶扁舟依短渚寒蘆風裏助秋聲

醉蟹

石涉詩鈔 卷二十二 二  
偶分盃酒助風流小戶緣知量易酬何故向人披赤甲  
便教從事入青州比潛釜底魂應爽苦戰沙場宛卽休  
如此輪囷先我醉把君同作醉鄉遊

餽蟹

漬餽無復辨團尖者別鹹酸信手拈花藥房中驚割蜜  
水晶梓裏訝堆鹽嘗來味豈嫌清苦醉後鄉真到黑甜  
饒有回甘休大嚼殘膏還許別人澆

齋蟹

彭越俄驚覆醢餘搗辛細比薦春蔬味夸南國齋如玉

庖儼青州蟹有胥粉碎可憐銷骨後脂凝猶想戴匡初  
酸黃百甕知應免口福從來有折除

重過尺五莊感舊

日日招要盡酒儔看山樓外曲江頭穿花幾度嘶驄馬  
折柳何心問渚漚勝地有亭多近水涼天無雨不成秋  
那須韋杜家家到已覺城南是舊遊

雨後過蘆艸園

園亭蕭颯夕陽明苦竹黃蘆繞宅生宿鷺倒窺波際影  
鬧鼃爭送雨餘聲天開秋霽塵初少地遠官衢路自平

石坊詩鈔

卷二十二

三

歸約比隣相載酒城南同看遠山晴

碧雲寺明魏闍葬衣冠墓

名山豈宜藏奸魄權闍甲第今阡陌縱畱一字在人閒  
藻繪雲霞非舊額魏璫昔日居東廠青蓋文軒恣來往  
五彪十狗逞狐威忠良盡入東林黨紛紛祠宇徧寰中  
銘功頌德碑穹窿羽幢過處黃埃起南遊乍轉香山東  
石闕峨峨森天半衣冠欲仿于經葬羊虎趨蹌白玉闌  
複宮夾道何張王一朝竿首河閒城逆桝從頭著姓名  
生祠片瓦沒荒艸天祿辟邪空縱橫古來誤國多宮監

張趙田楊盡殷鑒孝陵鐵牌宮門存豈知逆政終傾陷  
松閒谿韻風悠悠山靈似洗藏奸羞碧雲寺僻遊人少  
落日斜明城上頭

會同入餞余陶然亭口占

塵中一勝區翠搆城南隩得酒更登高欣然再三到小  
車出葦叢仿佛輕舟造入門樹靄重曲曲幽蟬噪回廊  
接清池鳩鵲作前導柴桑處士臆甫里散人竈酒香茗  
亦熟眞率樂朋好粉牆醉墨痕得句互相報仰吟崔顥  
詩誤落孟嘉帽風吹紵衫涼欲鼓凌雲操南歸退不才

石訪詩鈔

卷二十二

四

轉瞬行期告舊遊良可懷豈必窮高蹈三疊莫漫彈一  
盃聊自勞定知九九辰何處芳尊倒

畱別都中故人三首

都門衰柳颺斜暉白下鱸魚秋正肥莫苦鄉心人易老  
同爲旅伴我先歸摩天鵠奮雲霄翩近水漚親薜荔衣  
後會隔年天萬里暫時分手劇依依

老我年光節節催世途容易壯心灰漫揮歧路洑瀾洑  
須借郵亭漱澗盃輦轂交情君輩古乾坤眞氣幾人才  
逢場竿木隨身在遊戲人間又一回

雪鴻蹤跡半生閒  
北馬南船任往還  
久覺胷中無俗物  
每於腳底得名山  
人如花木隨時換  
詩似蓬蒿盡力刪  
車笠逢迎增客感  
重來無復舊容顏  
登放氏風餘前韻  
白河舟中  
行過蒙郵便蔡郵  
風斜雨細入黃昏  
無邊七十二沽水  
萬里喧豗下海門

津門竹枝二首

高髻雲鬟曲似梳  
晚風吹月上霞裾  
天津橋畔朦朧影  
是否香郎七寶車

石訪詩鈔

卷二十二

五

魚蟹生涯徧水鄉  
家家門巷菊新黃  
城中九月寒蟲會  
一半秋聲上客航

天津

津門煙雨重暝氣  
接溟澥城頭鐙樹紅  
似有殘星在劇郡  
萬人家河流眾川  
匯秋潮上魚蝦地  
執殊爽壇依稀蜀棧  
危陵谷年年改鹽場  
會計繁和羹資調鼎  
生聚古難期所恃神明宰  
天涯一權歸夜靜聲欸  
乃屈指前度遊遙遙忽三載

風轉

忽報風頭轉才看日腳斜

諺云日落風頭轉

叢煙昏柳色小艇

出蘆花客夢各千里鄉音共一家秋聲隨處是愁聽浪

淘沙

牽夫謠

舟搖搖路迢迢倒吹蘆荻風蕭蕭刺篙架槳兩無用牽夫赤腳狎江潮嗟乎牽夫之苦不可以言喻踟踳高踏厚朝復朝嚴冬雨雪夏炎歎凌冰滑踏赤沙焦履石徑兮危仄登高岑之岩崑褰裳或滅頂舉步時沒罾谿泥深淺不可測雨風斷渡行無橋如雁銜蘆魚貫柳如蛇赴

石涉詩鈔

卷二十二

六

壑馬連鑣臂閒一索長十丈如翔紙鳶薄雲霄有時逆風逆水欲上不得上鼠伏牛喘一步一喧呶前喁後唱聲節促汗珠滴滴神怊怊投錢誰濟渴驥飲繫臂誰解飢鷹縈中宵一飽首偕飯朝噉未上腹已枵回看白舫青簾裏箏絃侑酒銀撥挑步緩偶瞻繩影弱舟師怒語客聲驕祇須聞命滋傴僂料難捷足夸輕趨日日占風望颿順船唇坐嘯停飛橈不則長江浪似馬石尤沮滯沙塵飄十日勞動五日逸竭蹶勉赴行程遼我憐此輩命窮薄供人驅使真無聊又聞狗賤惡如虎

水手有神仙老虎狗

目之成羣肆虐風九澆常業坐失事游惰孽由自作非人  
招君不見漕輸銅運歲絡繹蔽天旂旗桅高標商民船  
雙畏水手狼犇豕突紛遮邀苦莫苦兮億力役樂莫樂  
兮橫征徭樂易逞苦難描苦樂半牽夫謠

來汝樓

一水中分南北流依然各赴海東頭輓芻已定千秋局  
聚景還修百尺樓落日歸雅爭柳陌晚風宿鷺起蘆洲  
蜀山一抹橫青翠界斷湖光萬頃秋

沮南望牖由馬場湖藥月買舟至任城登太白

石訪詩鈔

卷二十二

七

樓小酌同歐客舫

隆光

段少垣

邦球

二明經

閒關躑沮繫舟頗且向湖亭去問津涼月一鉤秋萬頃  
清風雙槩客三人城池風物仍無恙李杜文章信有神  
樓下爲少見說金波酒名堪買醉令人遠憶洞庭春

南池

宛轉城隅水一陂謫仙樓下蓋臣祠

高廟賜書  
蓋臣詩史祠額

寒雲叫雁清秋晚古木鳴蟬落日遲北去塵沙愁遠客  
南來觴詠得荒池扁舟會就魚淺老更買園亭小築宜

灌纓亭

宣阜門前水曲流，濯纓亭下有扁舟。我來淺熟蘆荒候，  
又聽蟬聲撼撼秋。

禦黃壩

來從青天走東海，人壽幾何清難待。河黃一綫費經營，  
中原屢見滄桑改。飛輓年年進萬艘，江淮汶濟疏瀹勞。  
中途尤慮渡黃險，誰驅鼃鼉回驚濤。神河衮衮沙涌，  
倒入清流清亦壅。昔聞清水可刷黃，今見濁黃浪高聳。  
濁黃高聳清日低，兩河一岸爭防隄。空回重運例經過，  
豈能飛渡憑天梯。朝廷新畫禦黃議，篋纜蘆柴互牽制。  
石汭詩鈔

卷二十二

八

一塘已閉一塘開，迂紆爲辟排山執灌塘。一役動經旬，  
來船鱗次需江濱。風狂火烈吁足畏，河官絡繹紛交巡。  
我時買權清江去，臨流欲載輕裝渡。江干螿附轟若雷，  
肩摩轂擊行無路。防河從古鮮良策，近聞海口亦淤塞。  
安得高築博望查，一洗河原清且直。

清江酒樓

檻前谿水碧如油，百尺遙登最上頭。得酒愛尋高士飲，  
吟秋多在客中愁。家家團扇放翁畫，處處青山太白樓。  
翻爲浮名增感歎，何時投老築糟丘。

淮安道中二首

近海風多捲碧濤，客懷閒許醉中豪。  
新泥小甕多封置，酒價前途或漸高。

浮家日日結新隣，雨夕風辰繫纜頻。  
吳楚颿檣迎面識，相逢劇少故鄉人。

古渡盦

蒙茸蕪艸城宛轉，斜陽路單舸出谿橋。  
有盦名古渡，表裏石樹閒。石古樹亦古，云是昔人園。  
荒廢今無主，亭臺餘瓦礫。碑碣猶堪讀，繇繇湖上波。  
空繞隋池曲，嗟嗟繁華地。代遠終淪息，不見東都宮。  
銅駝臥荆棘。

石汭詩鈔

卷二十二

九

重試第五泉

第五泉邊路，尋源一再過。  
花餘遊客少，雨後晚涼多。  
林木交新蔭，橋亭暗碧蘿。  
無閒重煮茗，俯檻芻清波。

江上老翁

老翁家在江干住，未涉波濤已七旬。  
起趁朝暾閒曝背，眼中忙煞往來人。

秦淮絕句

石城雲樹入荒蕪，急管繁絃問有無。  
畱得六朝金粉氣。

秦淮河竝莫愁湖  
畫舫笙歌夜不休  
河房曲曲抱江流  
珠簾十里垂楊外  
月色燈光上下樓

雞籠山功臣廟

赤光燭天真龍起  
田閒夢聽呼天子  
豪俊一時豐沛多  
生姿颯爽褒鄂比  
褒鄂功勳何代無  
帷幄千里恢良圖  
逐鹿羣雄從龍彥  
大都犄角供前驅  
憶從定鼎金陵日  
大江東去樓船疾  
沙漠征歸兵氣休  
六合車書混爲一  
龍蟠虎踞帝王州  
天塹長江爭上流  
秦皇開鑿徒爲爾

石坊詩鈔

卷二十一

十

數百年後仍金甌  
雞籠山上功臣廟  
圖繪丹青象畢肖  
魚水恩情汗馬勞  
侯王第宅輸官料  
轉瞬南朝局已陳  
金棺玉匣空埃塵  
孝陵衛戶更官守  
何況當年侍從人  
古往今來祇如此  
淩煙閣廢雲臺圯  
惟看宇宙大名垂  
血戰爛斑照青史  
臺城落日風蕭蕭  
元武湖邊秋欲潮  
客中憑弔思無盡  
那更興亡問六朝

天界寺

一權沿谿出荒城  
問水西石妨  
苔路滑樹接寺門低落  
日蟬猶噪空山鳥  
自嘯禪房花木靜  
客句認新題

贈歌者喜兒

步搖鈿翠影參差玉屑清霏絕妙詞燕趙十年青眼冷

百篇欲賦比紅兒

莫愁湖

金粉飄零委劫塵盧家桃李爲誰春莫愁湖畔多風雨

不見莫愁愁殺人

黃天蕩

高浪白崔嵬天門詖蕩開雲兼山執聳潮雜雨聲來戰

氣銷千古雄心仗一盃揚颿風正好覽勝莫低徊

石汭詩鈔

卷二十一

十一

懷韓忠武

戰守中興第一功將軍無敵果英雄朝廷已至和金議

湖上空追款段風南渡江山成浩劫黃天煙雨入冥濛

錦衣驄馬今何在唯見長流萬古東

曉望

昨夜風加緊空江浪不平人占今日雪天與一霜晴荻

影澹無際星光稀欲明楚鄉翹望裏迢遞幾山城

雨夜聞漁歌

旅枕仍吳舫漁歌漸楚音江空沈夜氣雨碎滴鄉心垓

下雄安在羅湘怨獨深低回千古事取次入秋吟  
雨後泊板子磯

朝朝解纜出雲隈殘雨初收霽色開浪竝蘆根衝岸去  
風將楊葉掃船來行遲對景描新畫起蚤因寒潑舊醅  
天地尙容吾嘯傲不辭萬里獨空回

郭港

倚樯看山背落暉迎舟輕浪晚風微長江夜近千颿出  
獨樹秋寒一鳥歸遠道欲忘佳日盡浮名眞與素心違  
郵沽味薄難成醉客裏尋讌伴亦稀

石訪詩鈔

卷二十二

十一

小孤山下看潮

小孤山下潮千里兩月客舟猶滯此  
潮日日過江來  
明日潮時人去矣  
東海潮止  
小孤山下

晚發湓浦

觸岸衝沙浪有聲扁舟一月滯郵程  
江豚晚報風頭轉  
穩挂蒲颿盡夜行

湓浦見月

四牕明月水三叉  
又坐聽江樓起莫笳  
浪走平沙成斷港  
樹雷殘葉作疏花  
遊魚遠掣罾初下  
征雁低翔字欲斜

湓浦蕭蕭秋萬里青衫忍更泣琵琶

湘江風雪幾經年此度重尋漢上船歸思急於南去雁  
不須載酒問晴川

春來遊女徧江皋問渡亭邊有畫橈見慣司空渾忘卻  
青鞵祇逐賣餠簫

雨雨風風夜未眠逢牕欣傍酒家船鑪寒無火不成醉  
坐展一編鐙黯然

城陵磯

石汭詩鈔

卷二十一

三

叢篁掩映石參差兩岸漁郵落日時湖色茫茫相去遠  
風光嫋嫋欲來遲猿嘯翠嶂雲千樹雁下寒蘆水一陂  
眞箇家山如畫裏年年歸路得新詩

過岳州

茫茫巨浸葉舟浮一髮青山枕碧樓樓上仙人應笑客  
風波十度洞庭秋

芭蕉湖

山外青山湖外湖淨如蕉葉綠平鋪何當歲晚巴陵道  
來看王維雪裏圖

晚發湘口正把酒持螯忽風暴大作舟幾覆瞬  
行三十里抵蘆港買醉壓驚書此自遣用十五  
咸全韻

霜信入秋嚴天邊落日銜背潮過曲嶼振旆出幽巖蘆  
影清如繪藤陰綠不支泉澄郵犢飲果熟野禽鷓煮酒  
無嫌濁煎茶似帶鹹持螯懷吏部者蟹薄州監遠思吳  
中鱸春鮮海上蠟味應伴蟀蛤珍想勝麋麇觴詠夸新  
得梓餐饜老饒東流長浩浩西往獨颿颿忽訝威如虎  
爭禁態似獬浪高遙拍岸風怒欲傾帆膽氣渾臨敵聲  
石泐詩鈔 卷二十一 古  
容類鼓儼漫天成巨浸夜氣偪層岳窄比蝸營舍深疑  
雉伏巖幕危巢社燕窟狡遜秋鳧展轉心如擣吁嗟口  
欲緘飄零隨土梗簸舞笑搖杵矮几翻盆盎高梳斷索  
繆空書愁咄咄僕語怨喃喃神卜虛詹尹吾生問季咸  
命窮還受厄形槁似憂讒舟楫懷忠信波濤感至誠此  
心貞竹柏有願藝檀欒虎口欣初脫蛟宮謝倒嵌尋思  
疑夢魘痛飲屬盃械漸覺吟襟暢無嫌醉語詎免羅機  
乍釋魚釜漑頰黷擊缶欹牕燭按詩壘枕函坎凶逃地  
險兵气掃天攬道遠清湘隔愁多綠髮影依誰爲晉鄭

存孰定荆凡飄泊青簾舫生涯白木鏡輕裝羞陸賈行  
紀富渾城駟路憐顛顛江程顧畏岩灘頭多鬼關石齒  
半神劉挂席迎青嶂回檣走碧巉寺鐘流澗瀑漁火出  
林樾泊處人煙密蕭然竹樹摻裊裊還顧影賦命薄青  
衫

石泐詩鈔

卷二十一

圭

石汭詩鈔卷第二十三 黃泉米半盞

寧遠楊澤闈

四上集

己亥庚子辛丑

起己亥臘月終辛丑春季向有八尺軒鴻磐亭借

綠軒諸集目刪汰過多約爲一冊以庚辛兩應會

試曰四上集

遊空靈岸題杜公亭壁

梵宇凌空闢靈巖幽更深崎嶇成勝槩俯仰發高吟

綠竹環僧榻清潭見道心飄零懷杜老多難此登臨

石汭詩鈔

卷二十三

一

我亦狂遊客萍蹤任所之屢尋湘上寺今識杜公祠

古雲長在舟輕浪自移風騷誰繼作捫壁寫新詩

聽雨

一枕瀟湘雨蕭然夢亦清峭寒生雪意繁響入江聲

酒力微難恃鎗花墜復明依稀兼野柝屈指到三更

雨夜有感

客路風霜味久諳箬篷坐我似茆盒寒牕夢醒鎗初暗

午夜雞嗥雨正酣南浦煙波經幾別北山林澗可勝慙

句畱莫減高吟興猶賸黃兒米半籃

湘陰小除夕

煙水蒼茫際江燈幾處青團圓佳節近笑語隔船聽舊俗談荆楚閒蹤滯洞庭迢迢天萬里風便乞湘靈

賽港

築屋新成小港邊全家生計在湖田人來野水瀾漫處喚取漁舟作渡船

清江晚泛

冬暖開新霽清江放櫂宜醉醒茶熟後臥起餽香時水靜來風細山高上月遲駟梅紅到眼煞憶故園枝

石涉詩鈔

卷二十三

二

荈頭湖守風

已分今冬爛漫晴天教十日滯程魚龍盡助風雲執蘆葦交喧雨雪聲湖上年光殊不惡舟中客感若為情終須萬里揚颿去看取來朝破浪行

鹿角喜晤楊聰盒

慧主簿

忞念戎幕聽歌驪

子辰相別於軍幕中時司理長沙

一別拚無再見期

豈料剡谿衝夜雪又勞賀監解金龜官齋地僻疑僧舍

吏治才長薄繭絲此去茫茫天萬里

時升任鳳凰廳知事余亦解維北上

好從鐙下認須眉

舟中元日

杪冬多雨雪元日例開晴雲盡山爭出風輕浪自平層  
麻千里酒爆竹百船聲歲歲江湖道沙漚識此情

新隄蚤發

依稀傑閣聳江峰隄上有黃雀迢迢對峙雄柔艣暗衝

三里霧散裘寒徹五更風雪封遠嶂層層白日射低牕  
淡淡紅前艇月明同解纜權歌聲入有無中

薄洲

上薄洲去下薄洲袞袞江波帶雪流細雨寒風天欲莫

石坊詩鈔

卷二十三

三

殘蘆猶作十分秋

孝感道中三首

鴻雪蹤無定天涯未有涯健霜寒蚤枕微雨漲春沙野  
渡橋新葺山行路尙賒隔谿梅柳曲風景屬誰家

平道馬行疾曉郵雞倡終月明鐙影外霧起水聲中嶺  
半雪猶白天東雲欲紅柳條牽拂處臥穩似漁篷

百里沿谿路谿流日夜潺客稀茶店少灘淺釣舟閒苔  
髮碧于水麥苗青上山崎嶇成遠涉僕瘁看塵顏

大吾河二首

蘆簾侵曉出車遲  
轆轤聲中夢尚疑  
一路春泥行不得  
大吾山下雨如絲  
風中楊柳幾行疏  
雨後桃花錦不如  
水淺釣舟無出處  
危灘落日坐督魚

九家店

江邨漠漠罩寒煙  
淺水灘頭繫釣船  
牧豎晚騎牛背渡  
斷雲殘雨夕陽天

蚤起

昨宵下店遲  
月照前谿路  
蚤起覓月光  
已下西峰去

石泐詩鈔

卷二十三

四

汝陽

一路雞聲曉  
夢中睡朦朧  
裏覺春融  
金從栲栳量  
教盡調入琵琶  
倡未工  
柳色綠迷荆  
北雨杏花紅  
醉汝南風  
酒旗歌板尋常有  
無限閒情付雪鴻

一弓店

桃腮杏靨鬪春妍  
麥艸青青斷復連  
雨後風前塵未起  
最娛人是晚晴天

自周口至道林港繞道幾二百里去冬淫雨夾

月麥田低處積水成湖督苦之屬與鷺灘上下

仿佛漁莊蟹舍汎舟三湘五湖閒也

邨路無車轍朝朝辟水行去冬三月雨大野一湖平石  
畔新灘出林閒釣艇橫瀟湘春正好蓑笠事東耕

東岸鎮

驅馬過東岸遙天日未晡郵煙低護塢渠水漫成湖野  
樹晴喧雀春田暖浴鳧東門牽犬地樂及此閒無

朱仙鎮謁岳忠武王祠

神兵天降萬人驚恢復功應唾手成君相已甘輕社稷  
將軍忍自立勳名卽今檜柏蕭森地終古乾坤戰伐聲

石訪詩鈔

卷二十三

五

南渡朝廷休此局英雄何限泪交傾

朱亥故里

生元如寄死如歸游俠成名計未非豈有鐵椎輕一擊  
果教健騎釋重圍屠門溷跡誰知己虎圈衝冠亦壯威  
轉眼魏墟蠶食盡大梁憑弔重獻歎

集唐人句贈歌者海棠

才可容顏十五餘玉樓珠箔但閒居海棠花底三年住  
荳蔻梢頭二月初羅韞况兼金齒著瑣臆還詠碧蟾蜍  
殷勤遺下輕綃意莫比尋常贈鯉魚

新鎮大風... 蕭蕭古木... 天教竟日... 爭怪駕駘... 三官廟看... 客居春盡... 問海棠輕... 讓桃李匿... 與花約多... 石坊詩鈔

蕭蕭古木矗平原  
凍雀飢鳥噤不喧  
風卷寒沙來萬里

天教竟日作黃昏  
雙輪磔磔摧冰轍  
一火熒熒識店門

爭怪駕駘行不得  
驂駟難許絕塵奔  
八丈...

三官廟看海棠時  
尙未開悵然賦此  
宗...

客居春盡嬾無事  
尋芳偶到花之寺  
會賓各題額濯錦池邊

問海棠輕糝正美  
清宵睡東風不忍  
呼花起占盡春光

讓桃李匿笑含香  
淡不言別種風流  
今尙爾看花悔未

與花約多少遊人  
與落莫何須更問  
碧雞坊擬過裏花寺看牡丹

石坊詩鈔 卷二十三 六

因此且教小醉香霏閣

唐開成四年石幢歌

雨餘野蔓開紅豔  
馬蹏深徑來楚楚  
秋聲滿樹金鐵鏗

牙籤縹帙羅僧牕  
壁閒古香撲玉缸  
榻本乃有開成幢

形如半月畱空腔  
字體正正姿信恠  
憶昔文宗治巖龐

石經刻就稱無雙  
祥禽瑞獸紛來降  
人文如海藻如江

沙汰僧尼斥言呢  
安得更有都盧撞  
因知君相徒黜黜

坐視蕭艾雜蘭茝  
北司南司互擊撞  
幾以朋黨傾其邦

西南寇騎騰驪駝  
執如一葉奔洪瀧  
天乳山高鑿雙陸

千餘年後徒啞峴誰留此物同廢椿城隅斑駁埋苔石  
主人好古隻眼睜千鈞頭使百夫扛置近新池環曲杠  
芟藤剔蘚泉淙淙墨光黯澹依佛釘竦立不待蓮花踐  
我來欲泛木蘭艤摩挲再四欽神嬈詩成速就抽筆獲  
松梢雲黑雷砰訇

南頂竹枝

碧霞仙闕鬱崔嵬九曲龍岡次第來一樹石榴紅似火  
怕人攀折肯山開

葦棚臨水一家家遊伴如雲憩鈿車低喚小鬟尋雅座

石訪詩鈔

卷二十三

七

入門先試雨前茶

題畫四首應聶小圃

有翰

通判

結屋古松下濤聲六月寒不嫌幽瀑遠長共白雲看  
槐柳陰中路長橋復短橋漁舟歸去蚤一篷晚風飄  
木末清秋迴天風語墻鈴長汀千里浪打入遠山青  
雲樹一重重亭陰俯碧峰諸天何處是微有過谿鐘

長夏偶題

車馬江干屐跡深翛然塵境有仙心艸因亂石滋蒼潤  
樹爲虛亭俯碧陰新雨代疏泉際葉涼風欲動壁閒琴

天涯何事銷長夏  
漉取松醪細細斟

吳東颿 元海 明經索畫

蒼翠入秋亭  
江波晚更青  
片颿人去遠  
雲占白漚汀

夜起聽雨

小閣靜藏深樹裏  
卻嫌聽雨不分明  
披衣起就牕櫺坐  
送響還兼竹石清  
池水暈生留墨研  
豆花紅墮讀書檠  
夜涼天氣宜吟夏  
莫待秋來賦此聲

涼意

黑雲從西來  
涼意滿林薄  
雨絲風倒吹  
欲落猶未落  
浴

石訪詩鈔

卷二十三

八

鼻出葦叢歸燕依  
簾幕結廬城市閒  
幽想成丘壑  
良友遲不來  
欣然就孤酌  
醉起倚亭楹  
月靜寒煙漠

三十初度感懷四首

卅歲聞如月半過

語云人過三十月過半

百年容易見蹉跎  
文章

到底工無用  
光景從頭去已久  
覺高堂遠菽水極知  
清福在巖阿  
紛紛世事同看奕  
莫待樵山爛斧柯

官教一刻擲千金  
習靜仍當惜寸陰  
王柏已更長嘯號  
張充蚤息放遊心  
縱橫萬里知交少  
閱歷中年感慨深  
願學木雞能養拙  
此生何必問升沈

潘鬢俄驚有二毛

初見白髮二莖

蚤衰應為客塵勞聰明可用

終非福歌哭無端豈是豪荆璞要能含蘊藉楚材未敢

薄風騷編詩已合生年數

有詩并九卷

長願追攀屈杜曹

十九年前小秀才名場爭許奪標回雲同寄嶽三秋在

存禁山

三載

日費研京七稔來自笑磨牛循故跡空聞市駿

有高臺驚心往歲尋芳地又報荷花十畝開

前歲生日同人邀集

尺五莊賞荷

### 塵海

塵海成中隱天涯獨客家詩題閒易得酒價賤能賒移

石汴詩鈔

卷二十三

九

宅常因樹疏泉半為花無才容嬾放時到故人車

### 雨後雜詩

一雨能生數日涼小牕塵靜晚風香藤花滿架蒲萄熟

閒約隣翁話夕陽

西山一綫隔紅塵雨後青蒼萬壘新猶憶當年攜酒地

飛泉聲裏兩詩人

前歲偕魏將侯遊西山半月始反

流螢數點出莎叢唧唧秋聲四壁蟲曲几臥涼天似水

綠槐陰畔月朦朧

芍藥開殘又海棠幽居鎮日為花忙柴扉靜閉無人到

荷芰池邊艸徑荒

夜坐

細雨不到地梧桐秋尚陰  
安能遇佳侶一爲理幽琴  
蟲語艸花裏客閒門徑深  
鐙昏見微月掩卷發清吟

中秋天橋玩月

天津橋上月幾度玩中秋  
世事浮雲變年華逝水流  
無人堪共醉於我獨何愁  
長願團圓影相依到白頭

土城秋眺四首

在德勝門外元舊城

秋色荒涼起莫雅  
嘆空征雁帶悲笳  
四山雲碧重重樹

石汾詩鈔

卷二十三

十

萬里風黃漠漠沙  
紫塞遠盤龍虎氣  
蕪城猶識帝王家  
依稀水磨郵邊路  
徧地紅開躑躅花

荒墳斷碣徧郊垆  
碧血斑斕鬼骨靈  
一抹煙迷前後寺  
幾人腸斷短長亭  
西風匹馬邊塵白  
落日羣羊塞艸青  
屢說雞竿恩詔下  
玉門生入涕霑零

近關松柏鬱成行  
薜荔秋陰覆女牆  
細柳舊曾防土木  
長楊今已識滄桑  
金元兩代餘殘壘  
幽薊千門接大荒  
宋莫臥街孤堦影  
年年詩客弔斜陽

煙樹蒼龍靄御題  
當關絡繹蒺輪蹏  
回風鶻起鷹房北

細雨虹收鳳苑西秋色萬重燕闕壯晚天一碧薊丘低  
客中無限登臨興欲待重陽酒更攜

九日黑窯厰登高

竹石亂蕭森秋因一雨深近畿高處少曲檻坐來陰壁  
蟹逢鄉味飛鴻識客心西山增晚翠載酒擬重尋

落日不歸去蒼然臺上秋年華銷晚菊心事問沙漚得  
酒願長醉有身須自由胷中塵累少到處足淹留

海上感事六首

聖澤汪洋徧九垓久聞烽火靖全臺鴟軍俄捲烏雲出

石汭詩鈔

卷二十三

十一

鯨浪遙驅白雨來海市爲誰開國稅邊防從古仗通材  
勞師兩載無成局後雀沙蟲一例哀

天塹東南信嶮巖海疆門戶控嶠夷粵洋瘴起環青嶂  
閩嶠風高轉絳旗已見揚颿千里去忽驚累卵一城危  
倉皇蹈海憐賢尹捍禦誰能寸鐵持

十萬貔貅夜捲戈海濤橫截怒聲多漁山鎗火連岑港  
蟹浦烽煙暗普陀列市未能銷幻蜃長橋誰與駕靈鼉  
補牢今日元非晚定有將軍號伏波

環海曾傳幾九州華夷錯處古堪憂萑苻久踞逋逃藪

島嶼方滋鬼域謀，地隔中原能恃險。師興六月又防秋，  
若從絕域伸天討，借箸應煩萬里籌。

一紙妖書達帝京，東南節戍兩星驚。忽聞玉按宣名出，  
又遣沙隄整隊行。遠使已諳司馬面，胡奴應識亞夫營。

關心大樹飄零日，水上龍驤萬里程。

勝筭紛紛議火攻，將軍破飛蔽海門紅。青龍艦壓千重

浪，烏鬼船驅四面風。封港近聞商稅缺，築臺新識礮機。

工毛錐一例歸，無用大戟長槍霹靂弓。

冰橋

石訪詩鈔

卷二十三

七

臨水孤疑腹未堅，凌空忽訝玉虹連。輿梁歲晚何須設，  
柱石天成不待鞭。雪浪暗隨魚徑度，銀河翻笑誰空填。  
閒思驢背尋詩去，好及東風未解先。

冬暖

蒙茸爽重苦難勝，雪虐風饕喜未曾。閒補牕櫺尋舊紙，  
稍添研水豁輕冰。塵勞憶共衝寒馬，瑟縮真同被凍蠅。  
何似客居晴暖日，晚亭山色對崢嶸。

吉羊寺晚歸

野寺衝寒過游塵，上客衣驢嘶斜日。去鴨泝淺灘歸埕，

頂星初見山坳雪已微  
傍城煙樹裏白板認雙扉

起遲

長夜怕眠蚤曉寒常起遲  
鑪餘將燼炭按有未成詩  
雪色侵虛幌風聲壓短籬  
穹廬高臥穩慵去看冰嬉  
酒外無餘事翻嫌買醉難  
愁堪銷磊塊債徧長安歲  
月成虛擲都城得縱觀  
故園風景好十載負漁竿

除夕言懷

悠悠五度客京華  
飄泊真成不繫查  
世事笑看螳後雀  
人才誰數驥中驂  
暫憐命蹇宮磨蝸  
又徧年除壑赴蛇  
石涉詩鈔

卷二十三

三

回雁峰高天萬里  
久無消息到天涯

賞音羞說鬱輪袍  
竽濫應難進瑟操  
市上何人能買骨  
懷中無刺可生毛  
文章得失千秋事  
詩酒生涯一代豪  
顧我身名藏我拙  
無才安敢學牢騷

何必焚詩更送窮  
窮途翻喜作詩工  
閒來直覺身無味  
愁去方知酒有功  
雪澤已瞻三度白  
桃符又換一年紅  
男兒豈作飢寒慮  
願爲蒼生祝歲豐

長安風雪晝漫漫  
高臥窮廬徧歲寒  
萬事上心如夢覺  
一年彈指又冬殘  
無才自喜清閒得  
有戀方知曠達難

天末故人勞遠憶勉旃力學更加餐

淨地

淨地成幽築林陰綠四圍曉風雅語散春雪客來稀銷  
畫書嫌少霏香篆覺微六時塵想未聞梵欲皈依

一覺

一覺紅塵夢春光上小樓鳥聲先客起月影帶花收研  
暖冰初豁碁殘局尙畱思量今日事能得好詩不

清明

江千車馬宗無聲濁酒千盃盡日傾人與春風同酩酊

石訪詩鈔

卷二十三

十四

天教微雨作清明垂簾晝永香長在遠郭山多綠未成  
遙憶故園花發盡杏林紅照一郵情

伍少坡

林蘇

明經索詩壽其尊人卽以贈別

得遂承謹志君恩未有涯聞君雙老健作客幾年違征  
旆遲秋發瑤篇寄雁歸瀕行書數語爲爾報春暉

鴻磐亭外樹數載接枌隣客路各遊子天涯誰故人梅  
香東閣酒護暖北堂春衡嶽星輝處知君衣綵新

石訪詩鈔卷第二十三終

石汭詩鈔卷第二十四

寧遠楊澤閻

步瀛亭集

辛丑  
壬寅

辛丑自都南旋取道汴城下襄樊達漢河途中苦  
熱所得甚少壬寅奉養家居偕同鄉諸好修禊蓮  
橋銷夏龍谿勝遊疊踐雅韻互酬秋閒修葺園亭  
爲邀山佇月樓八尺軒依涿園環碧莊喚魚廊種  
紙居諸勝而步瀛亭攬其要遊息于中頗多樂趣  
因合兩年詩而以茲亭名其集

石汭詩鈔

卷二十四

出彰義門別送行諸友

等閒蹤跡似飛塵便逐東風出帝闈沿路鳥聲如送客  
迎眸山色漸親人桑乾河淺原猶濁柳塞春回葉又新  
長短亭邊多少泪交情惟有別時眞

蘆溝

麥苗青裏菜花黃山色天邊鬱翠蒼清絕一條衣帶水  
柳陰閒憩晚風涼

琉璃河

曙色催征馬寒輕尙捲裘山攢雲縫出水界麥畦流月

影溶溶落風颿歷歷收江湖無限樂吾欲問沙漚

良鄉蚤發

臥行五十里天寒日未升朦朧煙樹裏猶有照魚燈

安肅

參差樓閣帶斜暉一抹西山影漸微白塢郵邊煙起處

柳塘春暖鴨雛肥

正定道中

馬首朝朝對太行飽看山色勝家鄉井闌日簸槐陰碎

郵舍風傳麥餌香燕趙佳人空宋莫帝王遺壤劇荒涼

石訪詩鈔

卷二十四

二

歸心比似東流水不待聞雞起亦忙帝王戲毀陳萊對

北河謁明楊椒山先生祠

昔年曾拜松筠宅今日來過故里祠天果能回寧愛苑

膽元自壯不須醫芊緜青艸騎牛地羅織丹書養虎詞

古檜陰中遺象肅崢嶸兩疏勒豐碑

浩氣丹心自古今臨刑五字費沈吟丈夫一死光天地

諫帥千言愧珥簪遺廟旂忠幾見晚內言伏闕痛彌深

北河橋畔聲鳴咽憑弔斜陽桂醕斟

荆軻故里

風蕭蕭白日寒悠悠易水咽危灘傳是八秦壯士荆軻  
里當時送者白衣冠天雨粟馬生角秦縱還丹丹不樂  
鞠武田光兩無計荆卿正共屠沽醉一朝上舍造門謁  
誓許生刼歸約契頭顧許人良復難歌聲瑟瑟筑音殘  
掉頭一去不還顧輕裝快騎入秦關督亢圖將軍首百  
金利劔落君手舞陽失膽劔仙麤把袞空教環柱走君  
不見高漸離扑秦不死身亦隨何如子房博浪椎走亡  
艸澤無人知秦罪人漢帝師相時立業安用殺身爲

郭郵張燕公讀書處

石泐詩鈔

卷二十四

三

一代文章手燕公興獨豪岳陽遷謫地山水助悲騷書  
室蒼苔古郊風木葉號郭郵閒駐馬勳業仰清高

不長高紀信城

困急滎陽羽檄驚脫君虎口一身輕楚師東望王車出  
漢祚西延將業成幾輩封侯膺上賞將軍效死但空名  
弓藏鳥盡何須說翹首雲山弔古城

明月店

十四夜

連夕談風月無錢買亦難不愁詩夢短且幸酒盃寬烏  
影瞻誰止雞聲聽欲殘明宵應更好何處得盤桓

劉夢得陋室塾

苔綠艸青地行過劉氏邨  
文如春夜宴人比謝公塾小  
住亦千古遠情聊一尊  
吾盧無恙在歸及樂丘園

嵇侍中祠

昂昂野雀出雞羣  
入洛丰標已共欣  
扈蹕豈須求駿馬  
望風爭欲拜將軍  
彈章抗疏同朝憚  
豪竹哀絲幾輩聞  
碧血斑斕何處是  
蕩陰祠宇對斜暉

扁鵲墓

盧家兄弟盡知醫  
此地惟存扁鵲祠  
生與諸侯爲上客

石訪詩鈔

卷二十四

四

死教國手喪庸師  
姓名乍出人爭妒  
臟腑潛窺技亦奇  
墓土空傳能療病  
丹砂彌望接殘碑

沙陽

日莫看山倚艸樓  
貪涼坐到五更頭  
天邊月上雲猶黑  
木末風來氣欲秋  
萬里朝宗隨漢水  
幾年遊歷憶荊州  
沙陽湖畔垂楊岸  
此際應堪著釣鉤

李摩石

家驥

兄弟約九日集屏山書屋看菊因

事不果卻寄

菊山菊海記遊敖  
樂事何如栗里陶  
自是壽人能種壽

喜逢高士卽登高拈花欲就維摩約題句先慙小宋豪  
遙羨連牀風雨夕爛黃堆裏醉香醪

題家佩秋姪詩卷

屈宋風流近若何瀟湘吟興古來多宴遊喜得儀曹記  
欸乃還聽漫麥歌無數谿山供嘯傲盡收風月八煙蘿  
扁舟載我南歸去巖水簾前繫釣蓑

餞歲

別旣難堪守亦迂餞君先爲獻屠蘇忽驚明日非今日  
且喜新吾換故吾列市張鐙轟竹爆小詩摘句寫桃符  
石訪詩鈔 卷二十四 五  
客中幾度傷分手得到家園興不孤

壬寅元夕書懷

屈指年光卅二春歸田聊喜作閒人客遊歲月渾難記  
樂事家庭倍覺眞花發舊枝香更好酒經冬釀味尤醇  
鄉居不識金吾禁取次看鐙約比隣  
環海妖氛尙未平羽書烽火震燕京古來和議無完局  
何日邊防許罷兵將略庸疏孤閫寄聖懷憂樂繫蒼生  
誰當夜奪昆侖守靜掃邊場戰鼓聲

正月四日官桂山謁

先恭人墓

無復朝朝望倚閭嗟哉失恃十年餘  
梧捲舊澤依然在  
衣綫新痕總不如  
墓艸芊緜兒鬢改  
客鄉遼遠歲時疏  
何心更捧毛生檄  
徒羨他人奉板輿

春行雜句

遙指花開處  
尋春過別邨  
晚煙知欲雨  
宿燒覓無痕  
鳥散山雲合  
牛歸野水渾  
相逢隣家話  
暖日約攜尊

雨後夜坐偶成

已見階前春艸生  
柳隄新喜綠陰成  
乍逢月色不知夜  
慣聽雨聲偏怪晴  
酒興政隨春爛漫  
詩懷常與歲崢嶸

石涉詩鈔

卷二十四

一 燈坐我小樓上  
數徧街頭長短更

游隱仙巖

古柏翠參天  
幽厓漱碧泉  
回風生細響  
墮地起香煙  
小任何須隱  
無求卽是仙  
危亭斜日到  
歸興促吟鞭

題家玉衡三兄活雲別墅

卿堂成小築  
隣樹綠陰分  
終日聽流水  
此閒多活雲  
彈碁驚鳥夢  
散餌飼魚羣  
閒共雨牕坐  
遠山明夕曛

春日白菊忽開數本

去年菊圃花事多  
牆東兩本獨婆娑  
已拚風雨絕生意

豈識霜雪蘇沈痾一花開盡一花續連枝接葉如蠶窠  
春光豔冶看易厭杏腮羞薄梅顏酡何期秋英互點綴  
恰稱隱逸居巖阿園丁走報喜相詫隣翁載酒紛來過  
且復移盆近几桉勿教奇卉埋煙蘿

觀舞猺杵戲作

蠻谿巢穴居俗陋風猶古歲歲慶槃王云亦祀其祖兩  
手持一杵行歌拜且舞睚眦跳澗猺叟出林慶倡爲  
靡靡聲佐似鼗鼗鼓嬉春遊里閭徧體衣文縷鄉人駭  
且哈觀者或如堵嗟哉蠢茲苗夙業山農苦往歲會跳  
梁蔓延肆蠹午聖朝法外仁議勦亦兼撫墾闢日益多  
生聚欣復覩從茲樂太平共舞堯階羽

春起

喔喔雞初唱宵深客罷談  
偃寒春夢熟破曉雨聲隔  
浦花應滿衝泥路不堪小  
牕閒起坐斟酌酒盈甌

雨中詠小園花木

弱柳因風亂拂欄牡丹棚下雨廉纖半牕天綠蕉新展  
一徑苔深筍暗添梅鵲好藏高土榻杏郵合著酒家帘  
怪他籬菊爭春色黃蘗垂垂映碧簾

登大觀樓

倦久登樓怯低欄，曲曲通江山。開晚霽，笑語入高風。樹  
杪雲栖，白花枝雨，濯紅軒。牕天際，敞坐覺俗懷空。  
拾級層層上，樓高山漸低。去天真一握，寫影入雙谿。斜  
日洞疏牖，亂雲生峻梯。誰人侶黃雀，日日訪幽栖。  
阡陌無高下，新秧一望齊。水聲隨石轉，雲執壓峰低。欄  
迴盤雅陣，梁空補燕泥。危闌憑面面，來路認前谿。  
目極斜陽外，心驚逝水前。江平真似鏡，樹遠但如煙。細  
艸驅牛地，春風放鶴天。鄉郵晴景好，屈指別經年。

石汭詩鈔

卷二十四

八

戲和仲瑀憶遠回文二首

春園小雨夜纖纖，倚坐閒牕半卷簾。新放籜梢泥荀嫩，  
滑侵苔檻井泉添。貧家酒笑空盃舉，苦客行嗟久跡淹。  
人遠憶回宵夢短，頻聽鏡語喜晴占。  
秋聲幾樹攪烏驚，得人歸照月明流。水曲塘蘆颯瑟，  
落花閒徑艸淒清。樓高有客畱宵話，興好無詩寄遠行。  
甌酒借君從笑冷，愁深莫作夜蛩鳴。

同人爲余祈嗣賦此戲謝

久勞湯餠盼佳期，昏蚤偏憐得子遲。比校古人才有室，

豈云天道遂無知多情共效高禱祝維嶽先申善禱詞  
笑語香閨同努力好教祥夢協熊羆

爲李丈千之家書畫蓮花橋第三圖題六絕句

閣外看山處處宜朱闌碧瓦映參差蓮花十里虹橋路  
豈有顛風斷渡時

宜亭秋晚聽樵歌巖石清幽暗薜蘿碧菡蓀衰香稻熟  
甲花山下綠雲多

江外長江樓外樓朝朝招雀更盟漚東亭山色西亭水  
兩處憑闌一搦秋

石訪詩鈔

卷二十四

九

蘇隄煙柳邗江月幾度尋詩上曲橋得似白雲山下路  
碧蓮香裏雨蕭蕭

雙谿如帶繞千山月榭風亭遠近閒欲畫春陵無好手  
雨牕低首憶荆關

倥傯戎馬十年前保障粉鄉一著先欲借題橋司馬筆  
爲君高閣畫凌煙

上巳日千之丈招集蓮花橋修禊同李摩石昆

笑語香季鄭三湘航毓蘭洎其嗣君香伯有棻翰彬有

藻

長橋高起跨雙虹水榭谿廊曲曲通  
朗暢政如蘭渚日  
詠游恰稱竹林風相攜柳外經年別  
小聚花間一笑同  
獨對雲山慙展卷畫圖人在畫圖中

菊社聯吟記舊年相逢重醉杏花天  
風篁十里尋詩路

漚浪三篙載酒船八座鳥聲春晚晚  
繞亭山色碧芊綿

一龕暫喜依彌勒清味同參玉版禪

是日食筍

桃花流水禊潭春柳陌風輕颺麴塵  
三月新晴三日興

六時清話六朝人武陵洞口家何在

武陵楊海樵孝廉主講楓社時會來

修禊今已物故千之摩石諸君皆其弟子也

京國教頭跡已陳勝會從來多

石訪詩鈔

卷二十四

十

感憶深盃引滿莫辭頻

桑柘陰斜古駟門雖然小別亦銷魂  
西堂句好聯春艸

北海風先飮客尊畫意自饒王氏墅  
詩情長繞謝公塹

生綃待補蓮橋筆襟上依稀醉墨痕

### 社灣道中

幽澗過春雨野塍開白花濛濛煙樹裏  
時見兩三家

### 和千之蓮橋修禊絕句

蓮花世界絕纖塵橋外行吟幾度春  
今日同來花裏醉

太和山色永和人

橋初始太和元年

曲水風輕浪起遲垂楊小閣立多時郭熙畫本分明在  
面面春山展笑眉  
摩石疊千之詩韻見寄余亦繼和  
西風遙辟庾公塵井里銷閒又一春布韞青鞵無恙在  
故鄉山色解畱人  
推敲愧我獨吟遲真箇船如水上水時儂學菩提觀自在  
蓮花坐上只低眉

春盡夜偶成

春盡雨聲中涼宵雨又風相逢殊艸艸此別太怱怱計

石坊詩鈔

卷二十四

七

共拋愁去情如顧曲終惜花偏破宋餘豔發深叢

題荷舫詠史詩後

錦囊日日富蒐羅玉律篇篇費揣摩用此東方文史足  
胷如小范甲兵多三長著作窺司馬萬斛泉原快老坡  
天與斯才良不易少年莫便惜蹉跎

卽事

日雨日復晴天事吁可怪豈知變不窮更出人意外晶  
晶紅旭升四野驅煙靄登樓欲看山忽又喧滂沛雷車  
聲殷殷閃爍驚龍挂固知如過客來速去亦快午曦赫

然臨莫雨瞬復屆玉蟾洗逾明皎皎銀河界倚枕若有  
聲天風瀉澎湃直疑銀河傾已失玉蟾在咄哉一日閒  
造物何狡獪闢闔乍陰陽不測毋乃太

初夏三首

黃梅時節雨空濛溼霧朝朝暗曲蘖新漲欲連瓜蔓水  
濃陰微散柳絲風詩成酒熟茶香後人在輕寒薄暖中  
惆悵春光銷歇盡莫教輕掃落花紅

平疇過雨似秋涼午枕閒銷夏晝長繞舍秧光爭水綠  
際天麥氣接雲黃鳥聲也覺新晴好農事無如四月忙

石坊詩鈔

卷二十四

七

我亦輕蓑兼矮笠喚魚潭畔釣斜陽  
小圃寒畦帶雨鉏豆棚瓜架碧陰疏燕穿曲巷尋泥去  
蟬抱高枝送響初風裏落梅新試遂日中走蝨坐攤書  
便須安置迎涼處先做南牕自掃除

雨後過隣郵

兩三郵路竹邊分百艸香爭雨後熏谿鳥踏沙如導客  
野煙度水欲成雲樹根橋小行猶怯巖瀑聲喧語不聞  
幾處人家扃戶出插秧才了又催耘

題畫扇雜句

瘦石倚蒼苔菊英正堪掇秋蝶亦可人栩栩花閒活  
雲氣四山幽湖邊有釣樓樵歌聲起處山木助颼颼  
臨水豁雙扉沿邨柳四圍晚風吹不住一片綠雲飛  
閒數天邊雁秋光滿碧湖晚風將細柳寒影入菰蒲  
放雀山人去不還白雲長繞雀亭山黃冠我亦歸來客  
放浪朝朝似雀閒

過僧院晚歸

遊山人到午鐘前山靜真教日似年一徑白雲深護竹  
半池新雨碧通泉閒蹤歷落身如寄短夢悠揚味入禪

石坊詩鈔

卷二十四

七

欲向南華參妙諦柳絲風裏颺茶煙  
遊興翩翩戀落暉釣竿重訪舊苔磯偶過蘭若逢僧話  
聊折松枝當麈揮殿角巢雲雙燕語水心拍浪一漚飛  
晚涼喜見娟娟月故繞谿山迤邐歸

木瓜

露粉紅萼冉冉藥酒香還凝泛春渠尋常桃李輕投贈  
欲報瑤琬恐不如

末利

南海鬘華蔟異香不同素奈鬪春光空庭雨過珍珠溼

恰似佳人浴後粧

優曇鉢

雲腴割取自年年不待花開色更妍何事競傳天上種  
蟠桃一熟歲三千

入星風蒲荷

藤梢過雨綠陰涼馬乳纒纒覆架香付與酪奴同解渴  
水晶柈裏壓雲漿

三十二歲初度口占

十載家山五度春初三月影記弧辰轉如客裏逢生日

石坊詩鈔

卷二十四

十四

且替園花作主人落落乾坤容我拙陶陶詩酒見吾真

書室改額  
見眞吾齋

天涯聚首多朋輩爭及重闌笑語親

水滸林月夜宿江船

宗宗船頭坐看看盡夕曛月明明似水水白白如雲漁  
火星星出江漚箇箇分偶隨家泛泛塵事謝紛紛

水滸林一喚魚廊坐月東隣友

昨其亭邊醉吟廊四望清今宵仍月色終古此泉聲萍  
動魚波活荷開釣艇橫不堪隣遠怨吹起別離情

大觀樓銷夏第一集同珊樵芝龔仲瑀懿侯諸

弟

生平飲量百盃少得地得時興尤好良辰美景不愁無  
舉盃頗厭蝸廬小西春水畔龍谿曲一閣巍然擬瑤島  
軒牕洞豁几梭閒朝朝來去清風掃酒盃落手醉須豪  
豪吟直上白雲杪俯眎平疇綠樹閒水光山色千重繞  
長風沈寥下九天天公爲我抒襟抱我昔曾登黃雀樓  
仙居日被塵蹤擾岳陽樓畔水茫茫雲氣波光雜昏曉  
太白酒樓良亦佳酒星去後流風杳鄉關得此樂何如  
句畱遠勝雪鴻瓜明儔况籍酒中仙幾輩出羣都矯矯  
石訪詩鈔 卷二十四 五

糟上枕藉各有懷竹林隱逸商山皓一石亦醉一斗醉

玉山同向夕陽倒

銷夏第二集和珊瑚

高會傳觴擬洛濱一番憑眺一番新樓邊稻已連畦熟  
雨後山猶莫靄屯營墅謝安身似客題詩崔顥筆通神  
相逢酌酩何須問自有清風作主人

銷夏第三集同珊瑚仲瑀作

載酒同登百尺樓江天六月暑全收遠山過雨青如畫  
叢樹掀風翠欲流鴻爪偶回千里跡蟬聲初帶一分秋

閒遊秣覺鄉關好雅伴招攜日留

立秋前一日珊樵載酒飛霞樓爲銷夏第四集

卽次其韻

一紙書來報蚤秋招涼重上水西樓從今銷盡人間暑  
對酒吟秋興更悠

穉穉黃雲萬頃稠恍然湖水際天流回思巴嶠浮家日

一篷江風起莫謳

酒半風雨大作憶昔年泛舟洞庭登岳陽樓望雨時景彷彿在目

銷夏第五集同諸弟作

炎威如執豪久熾難驟退屆茲白藏秋猶作驕人態我

石泐詩鈔

卷二十四

七

意自翛然觸熱慙襪日攜陶令尊邀共劉伶輩高會  
擬羣仙勝遊繼三再酒膽壯輪囷詩曾澆壘塊白日不  
敢驕清風與之對吾廬天地寬偃仰無妨礙豈知人世  
忙時序倏更代暑銷知漸無爽挹九堪愛卻愁高處寒  
徒憶瑤樓在

和虬仙題大觀樓詩韻

仙爲呂洞賓有四十年前相晤昆侖山之語

來從天上好音多同聽霓裳詠大羅幾輩登高能作賦

可憐八世總犇波煙霞緣重三生石星宿原探萬里河

便儼雲端驂雀去曉排闥奏仙歌

分牡丹贈李六信臣

家珪

一種天生富貴花，每於澹處見風華。  
一枝可贈情何惜，十里相看路未賒。  
休怪開無脂粉氣，應知來自野人家。  
菊稱隱逸蓮君子，如此清標許竝夸。

乞信臣菊

諼壽堂前晚節秋，黃花知己粲盈眸。  
柴桑歸日園蕪久，酈谷香時酒熟不。  
宜與蘭茝申夙契，常如風雨對良儔。  
遲君更踐龍山約，好共茱萸插滿頭。

九日登高和仲瑀韻

石訪詩鈔

卷二十四

七

柱宇層層闢，天香引客頻。  
登攜夸脚健，舒眺覺脣伸。  
秋暖囊萸節，風高落帽辰。  
不知籬菊畔，送酒更何人。  
遙望海東頭，蒼茫落日秋。  
風聲淒鼓角，霜氣冷兜鍪。  
負弩鮫應泣，銜蘆雁亦愁。  
黃龍期痛飲，軍執壯貔貅。

新葺園亭頗多勝賞各系以詩

八尺軒

地拓三弓窄，軒開八尺幽。  
但教縣有榻，真覺小如舟。  
繞檻花爭發，循除水暗流。  
一枝栖隱足，何待老營丘。

邀山竹月樓

欲識樓居好都因借景多  
邀山朝共八佇月夜同過隱  
几驅煙靄停琴憶薜蘿  
卽當風雨夕獨坐亦清哦

小蓬萊館

乍闢蓬萊境仙居小亦佳  
餐霞忘歲月鉏藥是生涯  
館有圖書秘人眞鹿窟儕  
綠牕米戶裏醉僂喚洪厓

天光雲影齋

但覺清無滓天光接水光  
坐留明月共去任白雲忙  
度石泉逾活飛花浪亦香  
鳶魚多妙趣吾欲問濠梁

步瀛亭

石汭詩鈔

卷二十四

六

亭閣參差處環瀛此壯觀  
泉聲天外落山色水中看  
細雨霏紅玉朝暾弄赤丸  
揚颿風正便好試釣鼇竿

依涿園

闢畦臨水曲無意得名園  
妨樹斜通徑因山短築垣  
秋深桐葉少春晚菜花繁  
抱甕安吾拙蕭然晝掩門

環碧莊

一水碧如環長橋灣復灣  
艸坪春雨靜花隴夕陽閒  
把釣尋幽渚移尊就遠山  
陶園松菊好門設不須關

春風移

花氣熏人近春風陣陣香引蠡穿曲院將蝶度虛廊  
竹搖新月簾波閃夕陽舞雲歸詠處坐我欲相忘

喚魚廊

策策堂堂趣非魚樂自知晚風萍散處細雨浪生時  
咳唾聲應熟唼喁伴共嬉機心相忘久投餌莫輕疑

種紙居

寫徧人間紙新培萬本蕉喜依清水活更覺綠陰饒  
聽雨宜孤枕掀風過曲橋不辭畱醉墨雪裏亦輕描

玉真宮雙桂盛開

石訪詩鈔

卷二十四

九

園林颯颯西風蚤菊未著花楓葉老正思載酒看秋光  
遊人競說巖花好巖花團團一兩株松檜叢中森合抱  
遠疑天上散氤氳香風一過塵氛掃玉真宮闕豁然開  
裝儼廣寒成七寶繁柯豈受玉斧摧瑤英可共仙藥搗  
樓上看花花更多雲華霞采蒸重撥花香直共酒香來  
百合熏人醉欲倒生不願偷曼倩桃亦不願啖安期棗  
金粟如來是後身木犀香到除煩惱

九月十九日沅兒生

一索夢維熊占風喜得雄債從今日始閤待幾時充術

望雙丁驗

術士相余謂當連舉二子

謹聯四代同勞他湯餅客較我

更忿忿

有子如無子何須計校之自應天道在聊遣俗人知跨  
竈誠難量聽嘯未覺奇容容多厚福願爾作庸兒

石沔詩鈔

卷二十四

三

石沔詩鈔卷第二十四終

更忿忿

補四升同卷出是補卷對

石汭詩鈔卷第二十五

寧遠楊澤閩

五上集

癸卯

癸卯九月五上都門於是六試春官矣躋難一第

奔走十年楚樹燕雲對之愴惻合終歲所作才六

十餘首其興趣可想矣

春日書事

客久還鄉味最真秤餐日日約比鄰老年人喜添丁健

試筆詩先入夢頻郵野衣冠猶近古井閭風物要還淳

石汭詩鈔

卷二十五

一

無才我自慙株守臥隱園林又一春

崢嶸池館接樓臺野雀沙漚任去來小住神仙成洞府

徧栽花柳勝蓬萊別無消遣惟尋句少有經營亦費才

憂樂後先多感愧年光猶喜未摧積

佇月樓聽雨同仲瑀作

佇月偏聽雨還疑月有聲響教諸籟宗遠接暗泉鳴竟

夕連牀話何人倚籬情杏園花事好消息最分明

枕上聽雪感興

連宵好雨忽成雪屋瓦縱錚響欲裂隙風獵獵牕紙鳴

鎗黯不花衾似鐵海疆萬里突塵氛掃地嚴寒那可說  
自從出師過京口當頭屢見月盈缺從戎壯士幾人歸  
冰蘊齧盡聲鳴咽夜夜沙場鬼戍邊腥羶徧灑蛟龍血  
分符征調無時休閩嶠浙洋路不絕卽今往來風雪多  
出門蚤與家訣別寒衣寄到有人無對此茫茫憂似結  
暖日尋幽出郭東逍遙春服幾人同半谿膩雨添新漲  
一路修篁拜晚風巖石怪撐雲影裏郵煙遙起碓聲中  
竟思洞口揚舡去泛入桃源徑可通

石泐詩鈔

卷二十五

二

登大觀樓看霍嶺桃花半已凋謝因賦三絕

記從洞口看桃花春到爭如萬樹霞綺段忽驚餘影散  
武陵何處問漁家

枝枝帶雨復含煙輕薄桃花亦可憐底事易開還易謝  
春光未老便愁牽

夕陽谿畔立多時含笑難尋竹外枝十二闌干都倚徧  
惜春方悔上樓遲

仲孺生日卽送之郡應試

豈有童心尙未忘身材今似阿兄長蚤昏喜慰高堂願

上達先求寡過方世際艱難需道方家傳清白在書香  
步瀛亭畔花千樹風雨同來醉一場

憶從芹類樂追陪二十年前小秀才少有操持緣腳定  
毫無建白肯心灰文章莫爲科名誤老大都從少壯來  
此去童軍張一幟雲程好盼奪標回

石梯嶺

古松夾道晝冥冥遙指天梯一綫青何處樵歌聲不斷  
晚風吹下九郎亭

響鼓嶺

石泐詩鈔

卷二十五

三

晚春新雨後徧地綠雲生松蔭兩三里風濤千萬聲  
泉堪飲馬石砦舊屯營閒倚危亭坐夕陽無限明

山家

山翠重重搥筍輿無邊風景畫難如連朝驟雨添新瀑  
一段歸雲漾太虛水碓聲喧叢竹裏蒨萸盒煙起午鐘初  
石田喜說無荒歲何必臨淵羨釣漁

題李靈石

家鯨

紅霞山館詩卷

詩人例瘦更多窮窮本能工瘦亦工短李自應夸俊品  
長庚眞許繼仙風義山體到無題豔昌谷才經嘔血雄

願乞龍眠好身手篇篇寫入畫圖中

靈石善畫

和王縈東

書壇

同年四十感懷元韻時縈東主

講芥社

會時爭似別時多豪氣驚余半折磨藉藉誇同榜貴

忿忿又是十年過且欣珊網收羣玉

芥社在羣玉山下

得共覓

裳詠大羅兩度瀟湘分袂處相思情重不勝哦

題畫二首

琳宮何處是幽徑竹閒分日莫少來跡山山生白雲

石根泉韻日淙潺蘿磴千盤曲曲攀一帶松楸青不斷

石訪詩鈔

卷二十五

四

人家都任夕陽山

偶成

貪涼來水曲陌上柳陰疏閒坐宋聲響恐驚波面魚

同人聞余得子競以詩賀賦此奉畬

喜聞蓬蓽慶弧競問魁奇似我無祖德自應繇燕翼

家聲焉敢說龍雛但教有後無餘望不與佳名特賤呼

小字佛奴三十生兒元未晚彼蒼何意薄商瞿

無固欣然有亦佳諸公袞袞韻新排題因借我揮奇句

詩可承謹慰老懷珠玉競看輝几桉芝蘭從喜秀庭階

御嫌跨竈夸逾分歷倒狂奴語太諧

芝山第一樓晚眺

小樓高處一閒凭指點谿山問老僧桑柘日斜喧野碓  
荻蘆風定見漁鐙雅歸有信鐘初動茗醉難辭酒尙勝  
繞郭禪林多妙境明朝相約更同登

朝陽巖在瀟水西岸柳儀曹詩漁翁夜傍西巖

宿卽此余嫌舊名頗俗爲刻西巖二大字於石

大而紀以詩

浮橋一綫渡江去煙雨迷濛散成霧欲出未出迎朝曦

石坊詩鈔

卷二十五

五

九曲珠穿不知路飛瀑琤琤屐底鳴上有瑤花竝琪樹  
水仙洞府馮夷宮一壑孤懸最高處昔人遊興過我奇  
巖扉厓戶皆銘辭大書深刻更無地仰面細掃綠蘿垂  
朝陽命名世恆有好句尋思柳州窳汲湘然竹漁人家  
兩字西巖足不朽醉墨一斗筆千鈞擘窠力破骨嶙峋  
一聲欵乃自來去日日西巖載酒人

西巖晚歸

江隈石聳一拳青巖洞天開半月形林影忽穿雲際出  
泉聲如在雨中聽文兼隸艸題名徧地有香煙仗佛靈

晚渡浮橋回眺處隔谿漁火一星星

重遊西巖

未竟登臨興林巖曲曲攀艸根時見字水氣欲成煙此境臨空闊諸峰斷接連靈栖如有約非佛定神仙

華巖巖

一幅迂倪畫玲瓏九疊屏竹陰過雨綠山氣接雲青高聚靈禽語低蹲畏獸形點頭頑石在說法可能聽

依涿園雜興

百花深處綠陰饒不爲臨池愛種蕉一夜落紅飄滿地

石方詩鈔

卷二十五

六

風旗獵獵雨聲驕

擬買扁舟泛曲塘柳陰閒臥午風涼橋邊策杖呼魚出借爾銀鱗下碧漿

無月無風嬾上樓豆花棚底話初秋寒蟬何事多愁恨

一夜催人欲白頭

中秋侍

祖父兩大人宴月復偕仲璫醉飲

步瀛亭有作

柄攜塵尾杖攜鳩瓜豆棚前樂事稠兩代忽驚皆白髮一年又喜入中秋刪除禮節情彌摯各極歡娛語不休

黃口孫曾初學拜教看明月解昂頭  
年年客邸作中秋秋到家園趣倍幽  
瓜果筵前兒女話  
酒詩隊裏兄弟儔  
畱人山桂花爭發驚我庭梧葉乍投  
更憶令原消息好梯雲同接廣寒遊  
憶禁漁荷坊諸兄弟闈中

永陽舟次晤朱湘人元增大令邀同徐莘農熹

家紫卿叔遊愚谿諸勝卽送湘人之江華任

秋晚初開爛漫晴西山翠靄隔谿生  
芒屨有約牽遊興  
流水無心識宦情  
飛鳥恰隨甘雨到  
隣船喜逐福星明  
閒攀蘭芷過沅澧  
一路謳歌聽頌聲  
會攝篆慈利

石坊詩鈔

卷二十五

七

贈徐莘農

到眼谿山取次吟  
萍蹤忽喜接苔岑  
奇材快寫湘東管

焦尾無慙爨下琴  
十二年前知己感

壬辰居停張乙舟太守幕中於薦牘

中識賤名有懷余贈余等作而未謀面

數千里外壯遊心  
白蘋洲畔多惆悵

悵南北風高判客襟

永陽舟中

一枝柔艣下寒灘  
山翠重重倚旆看  
柳不成陰楓葉少

繫漁舟處竹檀欒

巘岫石底浪花回  
十里灘聲怒似雷  
東岸向晴西岸雨

野雲輕逐片颿來  
岸頭一夜雨初過  
臥聽石坡田水聲  
野柝撩人歸夢少  
隣船又起一雞鳴

野雲輕逐片颿來  
天亦畱須

生平未與須謀面  
十餘年來漸相見  
初覺鬢鬢領下添  
繼看戢戢頰閒徧  
人生毛髮血之餘  
髮莖脫落須方麤  
朵頤未便肆吞吸  
相貌亦足增魁梧  
明知到老終須白  
知白何妨暫守黑  
願須後凋如松柏  
旁人休笑于思客

石灣阻風登回瀾山

石訪詩鈔

卷二十五

八

北風陣陣來  
一日舟三泊  
沮風日轉長  
中酒難云樂  
艤樓俯一山  
蒼翠紛交錯  
風掀竹樹開  
微徑山罽鑿  
屹然鳴吻出  
縹渺蟲飛閣  
漁舟導我前  
寸步歷嶮嶮  
泉聲鳴艸閒  
荒澗通略徇  
迎面白雲生  
打頭紅葉落  
入山不覺深  
禪宇架谿壑  
倚樓僧兩三  
款客泉新酌  
絮絮問客蹤  
笑我亦行腳

茲山號回瀾  
遠與衡峰對  
蒸湘匯眾流  
砥柱防其潰  
岡巒迭起伏  
拱若兒孫輩  
其餘稍長者  
相向揖而退  
遂令茲山尊  
扼要無與配  
乃知得天奇  
得地尤足貴  
不見回

瀾山屹立羣峰外  
不信峰回雁涼天  
叫雁羣影兼斜雨  
度聲帶晚風聞有  
客羈湘岸停舟對  
嶽雲連牀尊酒夕  
千里憶論文

漁舟導難者俗呼引洪

引洪

風雨扁舟急浪催  
漁家兄弟引洪回  
鷓鴣小隊銜魚出  
都向輕篙拍拍來

雜詠

九面矗瓏玲  
秋颿繞嶽屏  
魚漚迎雨出  
雁語帶風聽  
楚

石涉詩鈔

卷二十五

九

客多騷怨湘君託  
秀靈昔年栖止地  
遙對紫雲青嶽巖  
兩岸煙初合  
漁郵羃歷中  
楓搖千樹雨  
竹嘯一圍風  
野泊情彌暇  
寒天晝未工  
來朝霜信好  
颿影破晴空

萬頃蒼茫際扁舟  
縱所如橘洲仙子  
國柳港釣人居  
破夢頻過雁臨餐  
喜得魚煙波漚  
鷺狎此樂勝凌虛

樓閣雄湘漢  
頻年載酒過荆門  
秋水闊鄂渚  
夕陽多沙鳥名難辨  
江脉信不訛  
夜深聞玉篴  
聊與扣舷歌  
駭浪激崔嵬  
中流振旆回  
險厓當水立  
野店逐江開  
對月鄉心渺  
占風客伴猜  
湘江如許綠  
照影絕纖埃

寒與夜俱銷愁懷借酒澆舟輕颿執弱岸闌析聲遙雪  
意連雲密風聲挾浪驕何如湘水曲春泛木蘭橈

磊石水驛

百里遙看一髮青依稀蓬島接滄溟羸鬢漸與颿爭聳  
雅陣長依廟有靈石壁巋然成砥柱水鄉何處問郵亭  
漁莊蟹舍句畱慣十載煙波度洞庭

五宿溝口有感

漢臬解珮意纏緜忽漫征旂向曉縣雪後轍深堅似鐵  
風前颿集遠如煙淺盃斟酌無佳興逆旅逢迎有夙緣  
石坊詩鈔 卷二十五 十  
滿地江湖驚歲晚不堪客裏一年年

羅山道中

石根巉崿不成路野水瀾漫時有舟萬點斜陽山遠近  
汝陽北去總回頭

石堪代瓦平如板蒨可炊羹貴似薪瘠壤可堪逢歉歲  
山中苦勝客中人

九里關

野渡蒼茫際驅車一再停菩提谿水綠麥戴雪痕青樹  
樹明霜葉山山搯畫屏客程方萬里關塞幾重經

雪中卽目

風緊雪花濃山後少客蹤白連天一色微辨兩三峰  
日莫偶停車沿郵問酒家迎眸千點白樹樹似梅花  
斜日照無力晚風寒更吹牧兒牛背穩可惜不知詩  
客愁行路難農喜麥田好路難到有時麥好家家飽

南天門

昔登祝融頂會過南天門風雲與之會星辰疑可捫茲  
山渺乎小何敢儼其尊因知南天南磅礴此爲根歷歷  
度重險虎伏而豹蹲衡嶽鬱靈秀聯絡成屏藩登高自  
石泐詩鈔 卷二十五 七  
卑始至理堪具論嗟予苦行役閱歷多躋屯今茲風雪  
後舒眼迎朝暎長安幸不遠咫尺依天闔會當化險塗  
隻手旋乾坤

朱仙鎮

旗鼓堂堂待凱歌將軍無力柰秦何自非善守難言戰  
終古偷安在議和時勢可憐成瓦注詔牌從此壯金戈  
由來此局關天運各有英雄志不磨

流民歎

黃沙卷屋屋露脊枯樹折沙森似戟屋邊樹下少人行

青燐白骨丘山積三年兩見河決流萬千雁戶如浮漚  
浮漚條忽聚復散沈者自沈浮者浮浮沈聚散歸何所  
兔窟螻封總穴處蓬眼如篔仰見天蓋頭那足當風雨  
側聞 聖主塵卹賑勘地分災慰饑饉一月兩月盼  
不來溝壑餘生道塗殫哭聲震天天不知天若聞知應  
泪垂流民圖繪古誠有此圖誰人忍著手

宿谷瞳

遙憶來時路關河萬里長牖疏疑月白塵起訝風黃題  
壁詩難好催裝夢亦忙逢迎多舊識竿木笑登場

石枋詩鈔

卷二十五

七

蚤發

北轍南轅路幾條客程兩月尚迢迢一叢樹影知邨近  
萬瓦霜痕帶日銷野店空槽飢赴馬平原枯艸健盤雕  
莫教趙酒澆都盡畱與胷中破宋寥

雄縣

每經趙北燕南路定有新詩紀客程晚市魚蝦雄縣酒  
曉煙楊柳鄭州城湖光浩淼搖銀海山色微茫近玉京  
祈澤尙聞冬雪少勞勞車馬劇關情

石枋詩鈔卷第二十五終

